

Nos matanan:

Trinitaria

(Bougainvillea)

Esaki ta otro mata di flor conocí na nos isla y den henter Caribe. Flornan colorido cu ta dorna curá henter aña. E color mas popular ta e **TRINITARIA** roos-biña, pero tambe tin corrá, roos, oranje, biña y blanco.

Su flor mes semper ta blanco. Eseyan ta chikito hinca entre e tres blachinan di color cu nos ta jama flor. Esakinan ta e blachi protector di e flor y semper nan ta tres na otro.

Cu e **TRINITARIA** bo por haci hopi variacion den hoffi. E por wordo plantá na rand di curá y corta vierkant of rondó. Si bo no kier snoei su brasanan largo, bo por laga nan crece pa cubri un muraya of pa lora rond di un pilar of troncon di un mata grandi.

E steel di e **TRINITARIA** ta jen di sumpiña grandi. Esakinan ta jud'é pa gara ora e tin cu rama bai halto. Tin sorto di **TRINITARIA** cu no tin sumpiña, mescos cu tin sorto cu ta exihi mas cuido pa e pega cu otro. Cu un stek bon kibrá y cuidá bao di glas e ta spruit lihe.

Tin ta bisa cu e **TRINITARIA** ta originalmente di BRAZIL, otro ta bisa cu e ta di HAWAII y otro ta pretende cu ta di Lejano Oriente. Pero di unda cu e ta bin, e ta di nos tambe awor y por mir'é masha hopi den tur color ta dorna hoffinan.....



Chabalito

Number 6 - Año XII

